

**144**

2018ko uztailaren 26a, osteguna

3**TOKI ADMINISTRAZIOA****ERREENTERIAKO UDALA****Hlrigintza***Iragarkia*

Alkateak 2018ko maiatzaren 31ean emandako ebazpenaren bidez behin betiko onartutzat hartzea onartu zen Errenteriako txakurrak eduki eta zaintzeko udal ordenantza arautzailearen lehen aldaketa-ri, hasierako onespena egin zen baldintza berdinetan.

Aipatutako erabakiari jarraiki, eta Toki Araubide Oinarri Lege Arautzailearen 65.2 artikuluan aurrikusitako epea igaro ondoren, erabaki horren testu osoa eta ordenantzaren testu osoa argitaratuko da jendeak jakin dezan eta bere ondorioak izan ditzan.

Erabaki hau behin betikoa da eta administrazio bideari amaiera ematen dio. Dena den, administrazioarekiko auzi errekurtsio jar dezakezu, edota egoki deritzozun beste edozein errekurtsio.

Non: Euskal Autonomia Erkidegoko Auzitegi Nagusia.

Epea: Bi hilabetekoa, argitaratu eta biharamunetik hasita.

ORDENANTZA ALDAKETAREN TESTU OSOA

Errenteriako txakurrak eduki eta zaintzeko udal ordenantza arautzailearen lehen aldaketa.

27 bis. artikulua. Txakur eremuen kudeaketa.

1. Helburua eta definizioa. Artikulu honek xede du bereziki txakur-eremuen erabilerarako baldintzak arautzea, hurrengo izaera izanik:

Txakur-eremuak edo txakurrentzako parkeak: txakur-aisialdirako zuzendutako gunea, non bertan jabeek eta laguntzaileek gainbegiratuta eta kontrolatuta, txakurrak lotu gabe gozatu, korrika egin eta jolastu ahalko diren arriskurik gabe. Horrez gain, leku bat da herritarren bizikidetzatza maskotekin eta etxe-animaliak arduraz izatea sustatzeko.

Txakur-eremuak bi mota desberdinetan banatuko dira: itxiak eta irekiak. Lehenengoek itxitura perimetral hesituak edukiko dituzte, bigarrenak eremu irekietan antolatu eta ezarriko diren bitartean, kohesistentziarako eremuak izanik.

Udalerriko txakur-aisiako guneen titularitatea Errenteriako Udalarena da, hala nola horiek kudeatzea, eta alor honetan dauden xedapen orokorren eta arautegien arabera arautuko da.

2. Txakurrak jolasteko guneen egutegia eta ordutegia. Txakur-eremuak herritar eta txakurrentzat etengabe zabalik egongo dira, hogeita lau orduko ordutegian zehar asteko egun guztietan, baina erabaki hau aldatuko ahalko da egoerak hala gomendatuko balu.

Noizean behin txakur-eremu itxietan txakurrak eta beren laguntzaileen sarrera ekidin egingo da, dagozkien beharrezko hobekuntza, mantenimendu, osasun-lanak edo bestelakorik gauzatu daitezkeen egokia bilakatzen direnean.

3. Txakurrak jolasteko guneen derrigorrezko erabilera arauak. Derrigorrez bete beharreko honako arauak ezartzen dira:

a) Txakur-eremu itxiak txakur maskotek eta beren laguntzaileek soilik erabiltzeko barrutia dira.

b) Lepokoetan arantzak edo hortzak dituzten animaliak ezingo dira sartu, ez eta lepoko elektrikoekin edo bestelako arriskutsuekin. Arreske dauden zakur emeak txakur-parkeetan ez sartzea gomendatzen da, eta beti ere maskoten titularren ardurapean.

c) Animaliak uneoro jabeak edota laguntzaileak lagunduta egongo dira, eta hauek izango dira beren zaintzaren eta ekimenen arduradunak. Txakurra uneoro zainduta egongo da, eta zeharo debekaturik egongo da txakurrak jolasteko eremuan bakarrik uztea.

d) Derrigorrezkoa da maskoten gorozkiak biltzea eta instalatutako zakarrontzietan uztea. Hortaz, txakurren jabeek beharrezko bitartekoak (poltsak,...) edukiko dituzte uneoro.

e) Txakur-eremu itxien atekak uneoro itxita egongo dira.

f) Animaliak gune horietara sartu eta horietatik loturik irtengo dira eta ez dira askatuko atea itxi arte. Txakur-eremu itxien kasuan txakurrak uhalarekin lotuko dira irteera atea ireki aurretik.

g) Animaliak uneoro lepokoa dutela egongo dira, txakur borrokaren bat izanez gero, banantzea errazteko. Prebentzioz, jarrera ez zuzenak edo bortitzak (erasoak, zaunkaka iraunkorki,...) izan ditzaketen txakurrak parkeetara eramatea ekidin egingo da. Horrela gertatuko balitz, eta jarrera horretan jarraituko balu txakurrak, pertsona arduradunak lasaitu egingo du txakurra, edo txakur-parketik kanpo aterako du.

h) Arriskutsuak izan daitezkeen katalogatutako maskotak. Txakur-eremu itxietan muturrekoa jarrita dutela sartuko eta mantenduko dira, eta eremu irekietan lotuta egongo dira gainera. Eremu irekietan sozializatzeko ziurtagiria aurkezten badute aske ibili daitezke. Animalia hauek txakur-eremuen barruan adin nagusien zaintzapean egongo dira.

i) Animalia baten bat oldarkor agertzen bada, pertsona arduradunak txakur-gunetik berehala atera beharko du.

- j) Hamalau urtetik beherako adin txikikoek txakur-(eremu itxietan) sartu ahal izango dute, adin txikikoaz arduratuko den pertsonak lagunduta joaten badira parkearen itxituren barnean.
- k) Guztiz debekaturik geratzen da maskotak bainatzea eta apaintzea eremu itxietan.
- l) Animalien jabeak legezko arduradunak dira eragin dezaketen edozein kalteren aurrean, Udalak ardura horretatik kanpo geratuz, kalte horiek (zuloak egitea,...) egitea uneoro prebenituko delarik, txakur-eremu itxietan kontu berezia izanik.
- m) Maskoten pertsona arduradurek haiekin jolastu ahal izango dute, beraien edo besteen maskoten oldartzea edo asaldatzea ekartzen ez den bitartean. Horrela balitz, jarrera hori utziko da.
- n) Oldarkortasun arrasto txikienaren aurrean, jabeak txakurra uhalaz lotuko du, eta zentzuzko denbora tarte batean txakur-gune itxia utzi egin beharko du animalia lasaitzen den arte.
- ñ) Animaliak barrutian nahi adina denbora egon ahalko dira, betiere mugatutako ordutegirik ez badago edo eta beste txakur edo pertsonekin gatazkarik ez bada sortzen.
- o) Guztiz debekaturik geratzen da txakur-eremu itxietan jatea eta edariak kontsumitzea.
- p) Guztiz debekaturik geratzen da txakur-eremu itxietan animaliak elikatzea.
- q) Txakurra ez da askatuko txakur-parkera iritsi bezain azkar, eremuarekin ohituratu bitartean, hau da, askatu aurretik denbora tarte batean txakurrarekin paseatzeak taldean eta inguruan errazago integratzea ahalbideratuko du.
- r) Txakur parke bakoitzerako gehineko maskota kopuru bat gomendatzen da, txakur-eremu itxi bakoitzeko ezaugarrien arabera.

4. Animalien jabeak edo laguntzaileak derrigortuta daude txakurrak jolasteko guneen erabilera arauak betetzera, eta gerta litekeen edozein kalteren legezko erantzuleak izango dira, eta, era berean, etxe-animaliak babesteko eta arriskutsuak izan daitezkeen animaliak izateko alorrean indarrean dagoen arautegia bete beharko dute.

5. Lehenik eta behin, Udalak ondoko zortzi txakur-eremuak sortuko ditu:

— Irekiak: Kaputxinoak (2), Agustinak (1), Alaberga (1), eta Arramendi (1).

— Itxiak: Lartzabal (1), Beraun (1), eta Erdialdea (1).

AZKEN XEDAPENA

Aldaketa hau indarrean sartuko da osorik Gipuzkoako ALDIZKARI OFIZIALEAN argitaratuko den egunaren biharamunean.

Erreterria, 2018ko uztailaren 19a.—Jaione Karrikiri Garaño, alkateordea. (5324)